

BOSNA I HERCEGOVINA
KANTON SARAJEVO
SKUPŠTINA
Klub Stranke demokratske akcije
Samra Ćosović-Hajdarević – zastupnica

PREDMET: Inicijativa, dostavlja se

Podnosim inicijativu da se ulica „Radićeva“ (Općina Centar, Sarajevo), preimenuje u ulicu „Lorda Paddy Ashdowna“.

O b r a z l o ž e n j e

Dana 22.12.2018. godine u 77. godini života napustio nas je veliki čovjek i veliki prijatelj Bosne i Hercegovine gospodin Paddy Ashdown. Lord Paddy Ashdown je obnašao funkciju visokog predstavnika međunarodne zajednice u Bosni i Hercegovini u periodu od 2002.-2006. godine, koji je obilježen kao period snažne implementacije civilnog aspekta Daytonskog mirovnog sporazuma, integracije države, izgradnje državnih institucija, provedbe reformi i period snažnog razvoja državnosti Bosne i Hercegovine. Gospodin Paddy Ashdown je do momenta svoje smrti bio trajno opredijeljen za Bosnu i Hercegovinu, u prilog tome govore njegove diskusije u Domu Lordova, njegove izjave, diplomatske akcije, ali i pismo koje je u posljednjim danima svog života, zajedno sa Christianom Schwartz-Schillingom i Carlom Bildtom, uputio visokoj predstavnici Europske unije za vanjske poslove i sigurnost, Federici Mogherini u kojem je izrazio svoju čvrstu podršku suverenitetu Bosne i Hercegovine, te upozorio Europsku uniju na miješanje Republike Hrvatske u unutrašnja pitanja Bosne i Hercegovine.

„Ovo je predivna zemlja koja ima potencijal i bogata je talentiranim ljudima kao i bilo koja druga u Evropi. Ja vjerujem u Bosnu i Hercegovinu. Ali ono što je zaista važno je da i vi vjerujete u sebe. Jer ako je tako, onda vam obećavam da bez obzira koliko dugo to trajalo, uspjete“ – mi vjerujemo u sebe gospodine Ashdown, a radi ljudi poput vas, radi rezolucije o Genocidu u Srebrenici koju je Velika Britanija uputila UN-u, radi stalne podrške izgradnji naše države i njenom reformskom putu, vjerujemo i u prijateljsku Veliku Britaniju. Stoga, neka ova inicijativa, za koju sam osjećala ljudsku, moralnu, ali i političku obavezu, kada se realizira, bude trajna uspomena na velikog čovjeka i velikog prijatelja Bosne i Hercegovine, ali i zalog za budućnost prijateljskih odnosa Bosne i Hercegovine i Velike Britanije.

ZASTUPNICA.


Samra Ćosović-Hajdarević